

XITATIMENDE XA VUHANGALASAMAHUNGU EKA MIJIKAJIKISANO EXIKARHI KA SARS NA MIHLANGANO YA VAYIMERI VA VATIRHI

22 Mudyaxihi 2022 - Vurhangeri bya Vukorhokeri bya Xibalo bya Afrika-Dzonga (SARS) byi hlanganile na Mhlangano ya Vayimeri va Vatirhi leyi yimeriweke hi *National Education Health and Allied Workers Union* (NEHAWU) na *Public Servants Association of South Africa* (PSA) ku kuma xintshuxo eka timhaka laha mhlangano tiviseke nkwetlembetano.

Hi avelanile na vurhangeri bya mhlangano leyimbirhi ya vatirhi leswaku swikoxo swa yona swa sweswi swa CPI + 7% a swi fikeleleki.

Ku fana na mavandla hinkwawo ma Mfumo, SARS yi khumbiwile hi mintlhontlho ya swa timali leyi tiko ri langutaneke na yona, naswona tanihi mbuyelo, eka avelo wa timali wa SARS ku suka eka Vutameri bya Timali ta Tiko, ku hava xipimelo lexi endleriweke miengetelo ya miholo. Hi vunyeta bya yona eku lawuleni ka tihakelo, na matshalatshala man'wana, SARS kwalaho yi kota ku endla timali ti va kona eka vatirhi va Yuniti yo Popela.

Timali leti ti suka eka mihlayiso yin'wana yo sukela eka lembe leri nga hundza (2021/22) ku katsa na mihlayiso leyi kombisiweke ku suka ela lembe leri (2022/23) leyi pfumeleriweke eka miavelo ya vanhu. Khomixinara Kieswetter u te: "Ndzi tsakile hi mhaka ya leswaku ehansi ka swiyimo swo tika hi kota ku nyika mbevukiso wun'wana wa swa timali eka vatirhi va hina. Ndzi tlhela ndzi tsundzuxa vatirhi va hina leswaku hi na nkateko ku va na vuhlayiseki bya ntholo enkarhini lowu vo tala va nga tirheku no swela swinene eka swa timali."

Ku landzela Foramu ya Rixaka yo Popela ya SARS leyi sunguleke hi Muggivela, ti 21 Mudyaxihi 2022, mhlangano yi tivisiwile hi xiringanyeto xa Muthori no sungula ku burisana na SARS eka mihlawulo yo hambanahambana yo avela timali leti nga kona eka mbevukiso wa swa timali eka vatirhi, no ringeta ku ololoxa nkwetlembetano.

SARS yi nyiketile ximfumo nyiketo lowu eka mhlangano ya vayimeri va vatirhi hi Nsoto, ti 22 Mudyaxihi 2022, hi ku ku helela na ntwanano wa ximfumo wo hetelela eka nkwetlembetano lowu xakelanaka na xikoxo xa engetelo wa miholo eka Mijikajikisano yo Tiya ya Miholo ya 2022/23, eka tshaku ra nkaringhohe. Mhlangano yi ta burisana na swirho swa yona ku kuma xileriso, endzhakukaloko mavandla ma ta va ma hlanganile nakambe ku ya emahlweni na mimbhurisano.

SARS yi tinyiketerile ku ya emahweni na mimbhurisano eka nhlayo ya tiayitheme leti nga khumbeki mali leti averiweke eka mavandla, ku xopaxopa no antswisa ndzinganyeto hinkwawo wa nkoka wa vatirhi. Phurosese leyi se yi sungurile kwalomuya ka le xikarhi ka lembe leri nga hela.

Vurhangeri bya SARS byi tsakisiwa hi leswaku mbhurisano exikarhi ka mavandla eka nkwetlembetano wa miholo wu pfuxetiwele, no tshama wu ri wo vuyerisa no va kahle. Hi

tshama hi titshemba leswaku hi nyiketo lowu, hi nga ololoxa nkwetlembetano wa sweswi no ya emahlweni no kongomisa eku tirheleni vahakelaxibalo no hetisisa xileriso xa nkoka lexi hi xi tirhelaka.

Mayelana na vuxokoxoko, tihlanganise na SARSMedia@sars.gov.za

MAKUMU